

Kystsoge vekene

4. august til

16. september 2018

www.kystsogevekene.no



Representantskapet og styret i Stiftinga Kystsogevekene

Bergen, 5. mai 2018

Referat frå representantskapsmøte i Stiftinga Kystsogevekene

Per Lerøy (leiar i representantskapet/Austrheim), Bente Bondhus (Hordaland fylkeskommune), Trond Nesmann Berntsen (Askøy), Julie Andersland (Bergen), Margrethe Trædal (Gulen), Peder Sjø Slettebø (Kvinnherad), Øyvind Oddekalv (Meland), Torill Torsvik Størkersen (Masfjorden), Lisbeth Axelsen (Os), Astrid Fylkesnes (Stord), Kari-Anne Landro (Sund), Ruth Eriksen (Sveio), Kåre Martin Kleppe (Tysnes), Atle Dåvøy (Øygarden)

Fullmakter:

Radøy: fullmakt til Per Lerøy

I tillegg var fylgjande personar tilstades:

Børge Haugetun (styreleiar Stiftinga Kystsogevekene)

Kjell Magnus Økland (dagleg leiar Stiftinga Kystsogevekene)

Per Morten Ekerhovd (fylkesdirektør for kultur og idrett)

Roy Arild Nilsen (filmfotograf for Kystsogevekene)

Arne Sundal (Veteranskiplaget Fjordabåten)

Tallak Hovdenak (Bergen kommune)

Birger Andreassen (Bergen kommune)

Med 14 representantar til stades var møtet vedtaksfør.

Møtet opna med at Arne Sundal gav eit oversn over *Stord 1* si soge og årets sesong for skipet.

Saker til handsaming

01/18 Godkjenning av innkalling

Ingen merknader til innkallinga.

02/18 Val av ein representant til å skrive under protokollen i tillegg til møteleiar og referent
Per Lerøy vart vald som møteleiar og Øyvind Oddekalv vart vald til å signera protokollen.

03/17 Årsmelding 2017

Representantane hadde fått tilsendt den 17 sider lange årsmeldinga på førehand. På møtet gav styreleiar Børge Haugetun eit kort oppsummering av dei ulike avsnitta i årsmeldinga medan dokumentet var vist på storskjerm. Årsmeldinga er signert av alle styremedlemmane og dagleg leiar. Det var ingen merknader til årsmeldinga.

04/18 Årsrekneskap 2017

Rekneskapet var òg sendt ut på førehand til representantskapsmedlemmene. Årets resultat viser eit underskot på 90 067 kr. Underskotet skuldast i stor grad naudsynt investering i ny nettside, der utgiftene totalt kom på 87 300 kr. Styreleiar gjekk elles gjennom rekneskapen. Årsrekneskapen er signert av alle styremedlemmane og dagleg leiar og Collegium Revisjon si godkjenning var òg lagt ved i sakspapira til møtet. Det var ingen merknader til rekneskapen.

05/18 Informasjon om offisiell opning av Kystsogevekene 2018

Årets opning av Kystsogevekene skjer laurdag 4. august under den store veteranbåtfestivalen Fjordsteam i Bergen. Julie Andersland orienterte om Bergen kommune sine tankar kring slike maritime folkefestar og Kjell Magnus Økland orienterte om detaljane i programmet – sjå vedlegg. Det førebelse programmet vart godt motteken av møtelyden.

Etter dette vart det servering av rundstykke og kaffi/te.

06/18 Generell informasjon om Kystsogevekene 2018, marknadsføring og programinnhald

Kjell Magnus orienteret om årets program, som vert ei ileggsavis i stort opplag. Avisa vil også romma programstoff for opningsmarkering av Kystpilegrimsleia, Torgdagen og Fjordsteam. Vidare vil Kystsogevekene bli synlege på ferjeskjermar og andre skjermar i det offentlege rom. Dinest orienterte han om konspetet sjøveis kyrkjereis, der kyrkjelyden kjem sjøvegen til kyrkjes.

07/18 Offisiell avslutning av Kystsogevekene 2018 i Rosendal

Nytt av året vert ei offisiell avslutning av Kystsogevekene. Helga 14-16. september vert det stor Skutefest i Rosendal i Kvinnherad kommune. Peder Sjø Slettebø orienterte om planane for programmet. Bakgrunnen for skutefesten var då Loyal i 2017 skulle markera 140 års dag og valde å gjera det ved byggjestade, som var i Rosendal. Dette var så vellukka at ein no vonar å laga til ein årleg skutefest i Rosendal. Forutan folkefest, seminar, handverkdemonstrasjonar, musikk på land skal sjølvstøtt publikum få komma om bord og vera med utpå fjorden.

08/18 Veggen vidare for Kystsogevekene


Med samanslåinga av dei to fylka Hordaland og Sogn og Fjordane vurderer styret i Stiftinga Kystsogevekene at det er naturleg å arbeida for ei utviding mot nord. Dagleg leiar har difor vore på ein tre dagers tur til Leikanger, Førde, Florø og Dale for å knyta kontaktar og informera om Kystsogevekene sitt arbeid. I Florø vart det arrangert eit informasjonsmøte der interessa hjå dei fram møtte var god for å bli med i Kystsogevekene alt i 2019. Representantskapsmøtet drøfta så veggen vidare og gav styret og dagleg leiar eit mandat til å arbeida vidare med saka utover hausten og vinteren 2018-2019. Frå Hordaland Fylkeskommune vil ein ta opp dette i møta med Sogn og Fjordane, særleg med tanke på korleis det økonomiske ansvaret for Kystsogevekene i framtida skal sjå ut

Dersom det vert prøveår for nokre kommunar i Sogn og Fjordane alt i 2019, og ikkje minst med tanke på i fylkessamanslåinga og komande kommunesamanslåingar for åtte av medlemskommunane vil det vera aktuelt med nokre vedtektsendringar på representantskapsmøtet våren 2019. Dagleg leiar og styret tar dette med seg i det vidare arbeidet.

09/18 Ymse

Det var ingen saker under ymse.

Møtet slutt 1145.



Per Lerøy
Leiar i representantskapet



Øyvind Oddekalv
Meland kommune



Kjell Magnus Økland
dagleg leiar
referent